

MENSAJENS SOBRI

Vasinason COVID-19 pa kriansas di 6 mes a 5 anu di idadi

Es mensajens kurtu, faktual podi djudau fala sobri vasina COVID-19 pa kriansas di 6 mes a 5 anu di idadi.

Mininu pikinoti podi duensi dimas ku COVID-19. Es podi spadja virus.

- COVID-19 podi dexa kriansas duenti dimas. E podi lebas a ospitalizason, konplikasons di saudi a longu prazu, o mesmu morti. Milharis di kriansas i adolescentis ku COVID-19 tevi ki lebadu ospital, i COVID duradu podi kontisi entri kriansas.
- Kriansas tanbe podi spadja virus pa otus pesoas, inkluzivi a otus menbrus di familia.

Vasina COVID-19 e midjor manera di proteji kriansas di fika duenti dimas ku virus.

- Vasina tanbe ta djuda proteji mininu pikinoti ki ka ta konsigi poi maskaras o manti distansiamentu sosial.
- Vasina kriansas tanbe ta djuda proteji kenha ki nu ta ama ki ten risku di fika duenti dimas ku COVID-19.

Toma vasina ta impidi kriansas di fika duenti dimas ku COVID-19.

- Sima adultus, kriansas ki toma vasina inda podi panha COVID, mas toma vasina ta djuda txeu. Ta djuda privinis di fika duenti dimas.

Kriansas ten ki vasinadu, mesmu di es panha COVID-19.

- Pesoas ki toma vasina konpletu ten midjor proteson ki pesoas ki panha COVID-19.
- Si bu fidju dja panha COVID, e podi toma vasina logu ki es rikupera di duensa i ses periu du di izolamentu dja finda.

Bu ten ki vasina bu fidju mesmu si bu toma vasina duranti gravidez o si bu toma vasina kantu bu sa ta daba bu fidju mama.

- Mesmu ki antijenus podi pasa duranti gravidez i amamentason, proteson podi diminui ku tenpu.

Testis klinikus mostra ma vasina COVID-19 e siguru i efikaz.

- Siguransa di vasina studadu na mas di 10,000 kriansas ku idadi entri 6 mes i 5 anu. Alguns kriansas tevi ifeitus kolateral moderadu sima kansasu o febri, mas es ka dura txeu i tudu es midjora rapidu.
- Vasina COVID-19 pa kriansas e un tipu di vasina ki ta txomadu vasina mRNA, ki foi studadu na animal i na umanu duranti anus, sen ifeitus a longu prazu.

Tudu vasinas COVID pasa pa revizon rigorozu antis di autorizadu pa sertus grupus di idadi, inklusivi vasina pa mininu pikinoti.

- Ifeitus kolateral di vasina normalmenti e moderadu i temporariu.
- Alguns kriansas podi xinti ifeitus moderadu sima kansasu, dor di kabesa, o febri, sima otus vasinas. Kes li e sinas pa korpu sa ta kria proteson kontra COVID.

Vasina COVID-19 e efikaz pa kriansas.

- Testis kliniku mostra ma vasina pediatriku e un forma efetivu di privini infeson COVID i duensa gravi na mininu pikinoti.
- Testis kliniku mostra ma vasina pa mininu pikinoti e efikaz na riduzi taxa di infeson i na kria nivel di proteson na kriansas similhanti a nivel di adultus.

Kriansas podi vasinadu pa ses prestador di sirvisu di saudi o na sentrus di saudi o otus lokal ki ta oferesi vasinason pa mininu pikinoti.

- Si pusivel, kontata prestador di sirvisu saudi di bu fidju pa fazi un mar-kason.
- Si bu fidju ka ten un prestador di sirvisu di saudi, uza VaxFinder.mass.gov pa atxa un markason na un farmasia, sentru di saudi, o otu lokal ki ta vasina mininu pikinoti.
- Vasinason na kaza sta disponivel pa kualker pesoa ki ka podi bai na um kau di vasinason kumunitariu.

**Sabi mas na
[mass.gov/CovidVaccineYoungKids](https://www.mass.gov/covidvaccineyoungkids)**

